

09.11.2017.



Danas je u Goraždu u organizaciji Udruženja poslodavaca FBiH u saradnji sa drugim partnerima organizovalo javnu raspravu o Zakonima porezu na dohodak, o doprinosima i porezu na dobit.

Učečće na javnoj raspravi uzeo je veliki broj poslodavaca sa područja BPK Goražde, te predstavnici ministarstva za privredu BPK Goražde, ministarstva za finansije BPK Goražde, gradskih vijećnika i drugih.

Zaključeno je da novi Nacrti Zakona o **doprinosima i Zakona o porezu na dohodak** nisu u skladu sa ciljevima Reformske agende i ne dovode do rasterećenja privrede.

Ne obezbijedjuju rasterećenje poslodavaca, nisu neutralni, već čak dovode do blagog povećanja.

Udruženje poslodavaca FBiH kao i Udruženje poslodavaca BPK Goražde očekuju od predstavnika vlasti da razmotre i argumentovane primjedbe ugrade u konačan tekst zakona.

Očekujemo smanjenje ukupnog poreskog opterećenja i izgradnju socijalno pravednijeg poreskog sistema, a u cilju stvaranja povoljnijeg poslovnog ambijenta.

U Zakonu o **porezu na dobit** smanjiti stopu poreza na dobit i definisati poreske olakšice, jer ukidanje olakšica ima višestruko negativne i nenadoknadljive posljedice na ukupnu privredu Federacije Bosne i Hercegovine.

Zakon o porezu na dobit se mora uskladiti sa Međunarodnim računovodstvenim standardima

Pripremljeni su mnogobrojni amandmani na Nact Zakona o porezu na dohodak i Zakona o doprinosima, te pripremljen Zakon o izmjenama i dopunama Zakona o porezu na dobit koji je današnji skup podržao te predložio nekoliko novih amandmana, kao i na osale zakone.



Ovo je bila deveta javna rasprava koju Udruženje poslodavaca provodi po kantonima, te nakon održane poslednje desete u Sarajevu planiran je i jedan zajednički sastanak u Sarajevu na kojem bi se okupili zajedno svi poslodavci sa područja FBIH i zauzeli zajednički stav po ovom pitanju.



